



Broj: 01/13-04-3251/26

Sarajevo, 29.04.2026. godine

Na osnovu Plana održive urbane mobilnosti Kantona Sarajevo (SUMP), broj 01-GV-02-1292/20 od 30.12.2020. godine, usvojenog na 45. sjednici Gradskog vijeća Grada Sarajeva, te u cilju nastavka implementacije mjera održive urbane mobilnosti i aktivnosti koje doprinose smanjenju emisija CO₂ i unapređenju održivog saobraćaja, a u skladu sa obavezama preuzetim kroz Klimatski ugovor za Net Zero (Climate City Contract), a u okviru Misije klimatski neutralnih i pametnih gradova, gradonačelnik Grada Sarajeva raspisuje:

JAVNI POZIV

za izražavanje interesa poslovnih subjekata za učešće u procesu subvencioniranja kupovine sportsko-rekreativnih bicikala za građane grada Sarajeva

Pozivaju se svi zainteresovani poslovni subjekti koji ispunjavaju uslove iz ovog Poziva da podnesu prijavu za učešće u procesu subvencioniranja kupovine sportsko-rekreativnih bicikala za građane grada Sarajeva, kako slijedi:

I PREDMET JAVNOG POZIVA

Predmet Javnog poziva je učešće u procesu subvencioniranja kupovine sportsko-rekreativnih bicikala za građane grada Sarajeva, za sva pravna lica koja u okviru svojih djelatnosti imaju prodaju i/ili distribuciju bicikala.

II SVRHA DODJELE SUBVENCIIJA

Grad Sarajevo, u svrhu implementacije mjera iz Plana održive urbane mobilnosti (SUMP), kao i aktivnosti koje doprinose smanjenju emisija CO₂ i unapređenju održivog saobraćaja, a u skladu s obavezama preuzetim kroz Klimatski ugovor za Net Zero (Climate City Contract), u okviru Misije klimatski neutralnih i pametnih gradova, provodi aktivnosti subvencioniranja kupovine sportsko-rekreativnih bicikala za građane Sarajeva.

Subvencija za kupovinu sportsko-rekreativnih bicikala predstavlja mjeru kojom Grad Sarajevo podstiče građane da koriste bicikl kao održivu alternativu prijevozu, čime se doprinosi smanjenju emisije štetnih gasova. Cilj ove mjere je olakšati troškove





kupovine bicikala te učiniti biciklizam pristupačnijim i privlačnijim građanima Sarajeva.

III PRAVO UČEŠĆA I KRITERIJI ZA IZBOR POSLOVNIH SUBJEKATA

Pravo na prijavu na Javni poziv imaju sva pravna lica registrovana u Bosni i Hercegovini, na području Federacije BiH, koja u okviru svojih djelatnosti imaju prodaju i/ili distribuciju bicikala.

IV SREDSTVA PREDVIĐENA ZA DODJELU

Sredstva predviđena za ovu namjenu nalaze se u budžetu Grada Sarajeva za 2026.godinu, na budžetskoj stavci 613 900- Implementacija mjera iz Plana održive urbane mobilnosti KS i Grad Sarajevo, u iznosu od 15.000,00 KM.

V TRAJANJE JAVNOG POZIVA

Javni poziv je otvoren od dana objave na web stranici Grada Sarajeva do 11.05.2026.godine do 14:00 sati.

VI KANDIDOVANJE PO JAVNOM POZIVU

Sva pravna lica koja se prijave na ovaj Javni poziv izražavaju interes za učešće u procesu subvencioniranja kupovine sportsko-rekreativnih bicikala te će biti uvrštena na listu poslovnih subjekata s koje će zainteresovani građani moći birati mjesto ostvarivanja prava na subvenciju.

To znači da će građani ostvariti pravo kupovine bicikla po povlaštenim uslovima kod izabranog poslovnog subjekta, koji će cijenu sportsko-rekreativnog bicikla umanjiti za 200,00 KM (vrijednost vaučera), dok će Grad Sarajevo za realizovane vaučere isplatiti poslovnom subjektu odgovarajući iznos.

Proces ostvarivanja prava na subvenciju:

1. Grad Sarajevo objavljuje Javni poziv za izražavanje interesa poslovnih subjekata;
2. Nakon isteka roka utvrđuje se lista prijavljenih poslovnih subjekata;
3. Grad Sarajevo objavljuje javni poziv građanima za subvencioniranje kupovine bicikala u iznosu od 200,00 KM;
4. Tokom prijave građani biraju poslovni subjekt kod kojeg će izvršiti kupovinu;
5. Objavljuje se preliminarne lista građana koji su ostvarili pravo na subvenciju;
6. Građani kod izabranog poslovnog subjekta kupuju bicikl uz umanjenje od 200,00 KM;
7. Grad Sarajevo zaključuje ugovore s odabranim poslovnim subjektima u skladu s brojem realizovanih vaučera;



VII SADRŽAJ PRIJAVE

Poslovni subjekti koji izraze interes za učešće dužni su dostaviti:

1. Rješenje o registraciji – aktuelni izvod iz sudskog registra (kopija);
2. Uvjerenje o poreznoj registraciji – ID broj (kopija);
3. Izjavu pravnog lica kojom garantuje da neće doći do manipulacije cijenama tokom trajanja procesa.

VIII NAČIN PRIJAVE

Prijavom na Javni poziv, poslovni subjekti su saglasni da Grad Sarajevo može prikupljati, koristiti i dalje obrađivati podatke u svrhu provođenja Javnog poziva.

Javni poziv se objavljuje na web stranici Grada Sarajevo.

Prijave na Javni poziv zainteresovani pravni subjekti mogu dostaviti najkasnije do 11.05.2026. godine do 14:00h, a od dana objavljivanja ovog poziva na web stranici Grada, putem e maila lejla.beslagic@sarajevo.ba ili lično na protokol Grada Sarajeva, adresa:

**Grad Sarajevo
Ćemaluša broj 9
71000 Sarajevo**

Neblagovremene i nepotpune prijave neće se razmatrati.

GRADONAČELNIK

Samir Avdić, s.r.